

FUTBOLA

Athletic sailkapeneko azkena da Sportingen kontra galdu ondoren

Osasunaren hondamendia Burgosen eta Realak iaz bezala Atotxan

Puntu bakar bat lortu zuten hiru euskal taldeen artean, azken asteburu honetan jokaturako liga txapelketako bigarren ihardunaldian. Osasunak sekulako jipoia hartu zuen Plantion, eta Realak ere iaz Atotxan erakutsi zuen gaixotasuna du aurtien ere. Tabuenkaren bi goleak ez zuten ezertarako balio izan eta Athletic sailkapeneko azkena dugu.

RAMON BASALDUA / BILBO

Hiru euskal taldeen artean ez dituzte, orain arte jokatu diren bi ihardunaldietan, sailkapeneko buru den Sevillak beste puntu lortu. Osasuna ondo baino hobeto ibili da azken denboraldietan, eta inork gutxik gogoratzen du, gorritxoek Plantion jaso zuten jipoia bezalakorik. Partidu bat galtzen denean beti agertzen da galderra berdina. Guk jokatu dugu gaizki edo beste taldeak jokatu du ondo?. Burgos-Osasuna partiduan, etxe-koek gauza handirik egin ez zuten arren, Osasuna inoiz baino okerrago jokatu zuen Plantio futbol zelaian eta merezimu osoz izan zen galtzaile. Etxetik kanpoko partidu bat galtzea ez da ez kezkatzekoa, bai ordea lau eta hutsezko emaitzaz izatea, joko negargarria erakutsi ondoren. Datorren igandean, orain arte puntu bat bera ere lortu ez duen Mallorca izango da gorritxoaren etsaia Sadarren.



Ander Garitanok ez zuen ondo jokatu El Molinonen.

Ezin dute huts egin Pedro Mari Zabalaren mutilek.

EZ DA ENTRENATZAILEAREN ERRUA

Askotan esaten da, talde bat partiduak iarabazi ezinik dabilenean, entrenatzailea erruduna izateaz gain, errazagoa dela gizon bat aldatzea, hamaika aldatzea baino. Athleticetik ez du oso ondo hasi aurtengo liga txapelketa, baina errua ezin zaio Iñaki Saezi bota, jokalariek bait dira kasu honetan errudun bakarrak.

Patxi Ripodasen falta gehiegi na-

baritzen du Athletic honek, nafarra, jokalaria ona izateaz gain, nortasun handiko gizona delako. Zurigorri gehienak gazteak dira, baina ezin da inondik eta inora aitzakia hori onartu, Gijoneko Sportingeko jokalariek ere gazteak izan arren, punta puntan dabilta eta. Athleticetako jokalariek ez dute futboleko jokatzeko eduki behar dena erakusten. Athleticetik Real Madrid gaingitu dezake, datorren larunbatean San Mamesen, gaitasunik badu eta, baina horretarako amorruez jokatu behar dute Saezen mutilek eta ez Sevilla eta Sportingen


kontra jokatu zuten bezala. Ez dago aitzakiarik, profesionalak dira eta zalegoak emaitzak eskatzeko esku-bide osoa du.

GOLIK SARTU EZINIK

Realak ez zuen partidu txarra jokatu Zaragozaren kontra, baina iaz gertatu zitzaion bezala, badirudi txuriurdi- nek zailtasun handiak dituztela Atotxan golak sartzeko. John Benjamin Toshackek gazte asko sartu zituen hasierako hamaikakoan, eta egia esateko, Realak ondo baino hobeto ibili zen partiduko lehen minutuetan.

Dena den, etxeko taldeak aukera garbi batzuk galtzen dituenen, joko erritmoa jaitsi ezezik, beste taldearen berpiztea ere dakar. Zaragoza hasieran Zedrunen atea zaintzen ari- tu bazen ere, pixkanaka aurrera jo zuten Gonzalezen atea zulatatu nahian. Zorionez ez zuen bere helburua lortu, aukera garbi batzuk izan zituen arren. Realak puntu bakar bat lortu du orain arte jokaturako bi partidue- tan eta gauzak gaizki jar daitezke, Sarriren irabazle izan den Oviedoren kontra Carlos Tartieren punturen bat lortzen ez badu datorren igandean.

Ezda ez, erraza izan, aste honetako euskal selekzio hau osatzea, izan ere, Osasuna, Realak eta Athleticetik partidu zein baino zein txarragoak jokatu bait dituzte. Kike gaztea izan zen onena Athleticetik Molinonen jokatu zuen partiduan. Andrinua, Lakabeg Tabuenka eta Valverde izan ziren betokerrak itsuen artean. Realeko jokalariek izan ziren onenak ihardunaldi honetan, etxean berdindu zuten arren. Osasunari dagokionez, Cholak bakarrik sortu zuen arrisku apur bat. Selekzio honetan sartzen ez diren arren, azpimarratzekoa da benetan, Joseba Agirre eta Lorenek Osasunaren kontra burutu zuten lan bikaina.



JOSE IRIGORRI

Farolilo zurigorria

Gijonen ezinezkoa gertatu zen. Sevillaren aurka jokaturako ligako lehendabiziko partiduan baino hobexago ihardun zuen Athleticetik, baina Saezen mutilek pott egin zuten baita ere Sportingen talde gazte baina ausartaren aurrean.

Urte ikaragarri da Athletic sailkapeneko farolilo gorria ez zela. Eta larunbatean Real Madrid dator. Zurigorriek dituzten aukerak neurtzeko benetako proba izango da. Hiru egun aurretik, bihar, Alavesen kontrako kopako partidua jokatu beharko du Athleticetik Mendizorrozan. Konpetizio horretan bilbotarrei lan handiak eman izan dizkiete beti gasteiztarrek. Hori horrela, hobe lukete Real Madriden kontrako partidurekin ez obsesionatzea, eta konpetizioari datorren bezala aurre egitea: lehendabizi Alavesa eta ondoren Antic-en taldea; badaezpada ere. Gogora itzazue bestela, iaz At. Marbella talde koskorra kaleratzeko Athleticetik izan zituen lanak.

Denboraldia txukun osatzeko talderik ba ote dagoen da orain galderra nagusia; aurrekoan izandako estutasunik gabe. Zaletuak badute nahikoa zailantza. Tekniko eta zuzendaritzak ere gauzak oso argi ez dituztena erakusten dute Luis de la Fuente azken orduan fitxatu izanak, eta Patxi Ferreira erreuperatzeko gorabehera horiek. Athleticetik txispa falta duela nabarmena da. Jokalariek abiadura handiegirik ez dutela, baita ere.

Begibistakoa da zuzentzeko gauza bastante dagoela, eta batez ere, bi partidutan bost gol ekarri dituzten hutsegite horiek alde batera utzi beharra. Athleticetik zereginik ez dauka buruz —nork pentsatuko zuen horrelakorik orain laupabost urte—. Lehoiak, lehoi hauek, juxtu juxtu dabilta buruz. Kikek hartu duen atean ezik, gainontzeko lerroetan ez dago presentzia fisikorik. Baina Iñaki Saezek ateratzen asmatu beharko duen beste bertuteak badituzte: gaitasuna, ilusioa eta kalitate teknikoak. Ardurak hartu, eta heldutasunez jokatu, taldeak lan egiteko eta partiduak irabazteko gai dela erakutsi zuen aurreko denboraldian. Negatibo gehiegi hartu baino lehen, erreakzionatu egin behar du Athleticetik.

ASTEKO SELEKZIOA



2. IHARDUNALDIA



ATHLETIC CLUB

OHIZKO BILTZARRE OROKORRA

BAZKIDE KONPROMISARIEI gomuta eragin nahi zaie, Ohizko Biltzarre Orokorra gaur, irailak 10, izango dela, 19.00 orduetan, Bilboko Goi-Mailako Ingeniari Esko- laren Areto Nagusian (Urkijo zumardia, 99).

Bilbon, 1991ko irailaren 10ean

LANCIA



BILASA rekin dabil Athletic

Banatzaile Ofiziala - Autonomia, 53 • Tel. (94) 427 58 20 • Bilbo